

高太史大全集

四

高太史夫登集卷之十

吳郡高啓季迪著

南州徐庸用理編

題董元戰沙龍

人間滴罷天瓢水  
歸護玄珠卧沙裏  
空潭白日不聞雷  
雲霧俄隨轉身起  
誰言北苑筆意精  
頭角破屋將飛騰  
細看圖畫何須恐  
曾謁真龍遊太清

松隱爲愛叔能賦

江邊柳樹溪邊花  
晉處士宅秦人家  
秋風忽來春雨過  
坐看衰落俱堪嗟  
山中相依歲年久  
羨君獨結蒼

髯叟短褐長鉞不解畊  
茯苓作食花爲酒我今身似  
浮雲閒正合著在長林間  
明朝倘許同棲泊便擬飛  
隨白鶴還

蕭山尹明府吳越兩山亭

憶昔看山吳越遊酒酣鼓棹江中流  
左招舞鳳來百里右顧卧龍橫  
半州崢嶸兩勢不相下氛翳淨掃當  
高秋文身烏喙昔分處有國本是名  
諸侯區區仁暴固無異朝吞暮併山  
應羞不知千載竟誰主伯氣倏  
與飛煙收邇來此地有兵甲風景頗  
似當年愁黃雲蔽天道路遠我欲再  
尋應莫由聞君作亭壓此境坐

獲衆勝非窮搜江長不隔飛鳥渡峯多欲障斜陽留  
廢興自古屬造化登臨未須生百憂但當矯首望東  
海一杯咲舉邀浮丘

虎丘行次朱賞靜見寄韻

我謀我隱西郭西讀書坐覺長身低出門到寺纔數  
里野水沙竹生秋輝恨無酒舫漾落日百錢行自懸  
青藜時危未卜久安宅幸遇勝地須扳躋山中况逢  
暑雨過枇杷樹高陰滿池興來即遊興盡返迎送豈  
要山僧知兩崖石根下挿水綠藤倒拂風生漪空堂  
朝鼓起龍蟄高塔夜鈴驚鶻棲人生在世本爲客隨

意且留何必歸五陵莫嘆今日異城郭更恐佗年非  
蒼茫萬事孰可問孤鳥已沒空煙霏念君不遊何所  
爲作字寄我如張芝真娘有靈應大笑把酒豈不延  
題詩秋風今朝動江浦掛席正是當年期與君一吊  
興廢迹荒臺古樹聞烏啼

題美人對鏡圖

曉院鹿盧鳴露井玉人夢斷梨雲冷起開粧閣笑窺  
奩月裏分明見娥影自對猶憐况主家春風一面斷  
腸花何由鑄入青銅內不使秋霜老髮華

贈賣墨陶叟

龍井老人稱墨仙有家近在荆溪邊鐵臼秋鳴竹屋  
雨瓦溝春掃桐窓煙玄王初成敢輕用萬里豹囊曾  
入貢日長小斂試烏絲光迸驪珠欲浮動世間潘李  
今已無黃金滿篋爭來沽詞臣供寫上林賦畫史藉  
作瀛洲畵文物年來頗凋弊喪亂誰言少知貴便須  
從子乞雙螺醉草檄書磨楮鼻

鳳臺三益畵

元集賢院待制馮海粟公自號瀛洲客嘗  
被斥遊金陵鳳凰臺作詩吊李謫仙好事  
者爲作鳳凰臺遊畵近有詩示求題賦此

塞之

謫仙昔作供奉臣詩語不合妃子嗔鑿坡無地容侍  
直錦袍來醉金陵春金陵臺高鳳凰去西望長安竟  
何處江聲空打石城潮山色猶橫歷陽樹騎鯨一去  
五百秋花草滿逕埋春愁瀛洲老客綠玉杖咲領賓  
客還來遊才氣風流頗同調曾入金門待明詔當年  
流落不自悲却問前人欲相弔可憐二子遭清時放  
逐江海空題詩賴有高名足難朽何用粉墨他年垂  
夕陽欄檻登臨後誰復來遊酌盃酒展痕寔冥隱蒼  
苔棲鳥啼滿臺前柳

送張負外從軍越上

鴟鷄啼霜海城白誰掃行車出南陌  
刀頭裝得願酬恩知是狂遊廣州客  
擊筑悲歌斗酒前又從飛將去  
臨邊幕中草檄風生筆馬上吟詩月  
在韉秋聲萬里隨征鴈南北長江竟  
誰限明朝若上越王臺應有中  
原陸沉嘆

詠雪禁體次徐文學韻

邊城雪埋深沒繇風旋餘花吹酒盃  
幾人研厲渡冰河直指穹弓不能滿  
我方高枕聽蕭瑟却喜今年瘡全浣  
寒添柳院覺春遲明透竹窓驚夜短  
未成豪飲

園翠袖且辨清吟呵象管鋪庭擁路掃難開三日不  
消知待伴翻疑塞北雲正冷可信江南地先暖愁封  
小窰僵蟄虫驚折危柯殞巢外林中樵絕暮無煙野  
外獵來晨有噏趙女依稀舞態斜郢人寂寞歌聲斷  
此時自嘆少清歡月下閑門誰解款山陰老客雖苦  
病放曠猶能類中散長鬢踏雪送詩筒白戰令嚴烏  
敢緩開簾尚恨不同賞醉看帽歌仍褻袒祇期明日  
有晴暎遠訪梅花須勿懶

送曹生歸新安山中

黃山西來九華連岩洞翕忽通雲煙白鵝嶺下煉丹

處瑤草獨秀今千年三十六峯在青天仰面歷數舉  
馬鞭高林雜樹多未識風雨一過俱惹芊山深何物  
尤可憐秋禽幽鳴巧如絃路迴澗阻似無地中有蔭  
藥千家田雲間鷄犬隔流水居人彷彿皆神仙我欲  
窮遊久無緣羨君忽去尋歸船猿聲兩岬溪樂曲白  
沙明月相洄沿到時西峰草堂前應有携酒來華顛  
山人不喜說朝市但話久別情依然塵埃舊褐便可  
脫濯費十斛山中泉爲予淨掃石上葉早晚有意來  
高眠

題陳節婦

節婦姓孫郡人陳已久之妻也已久  
客死節婦守志其孫彥遜求題賦此

嬌兒嘯語羅幃暮銀燭搖光夜香度狂風忽起海東  
頭吹斷蘭州去時路去時豈惜千金軀煙濤竟沒珊  
瑚樹精衛冤深水更深身小天高向誰訴寂寞塵奩  
掩鏡光可憐不復照晨粧堦前莫剪青青草生死終  
身不下堂堂中素幔空時祭賴有孤兒拜虛位白日  
哀思眼不乾夜枕還流夢中淚妾本孤桐斷作琴一  
絃只作一絃音逢人不奏鳳凰曲別鶴離鸞夜夜心

晚步西郊見鴛鴦群飛

平煙漠漠天蒼蒼牛羊不收野草黃鴛鴦東來高作  
行晴空忽墮數點霜紫塞碧海遙相望下視鳬鴨愁

陂塘書生見此心欲狂便思呼鵲上馬馳鸛鷀之裘  
自倒披箭聲脫絃鳴餓鴟遠翻正落雙參差仰空拍  
手誇絕竒豪氣服殺并州兒也勝閉門坐詠詩

次韻楊孟載早春見寄

雪後西園韭初剪流澌晚動春塘淺閉門有客抱深  
愁久不題詩硯生蘚風塵健兒誇得意獨坐寂寥誰  
所遣應緣少學與時違不習弓刀誦文典城中勿貴  
市門靜好事猶能具盃鬻琴堂朝夕共清歡舉白頻  
浮不容免鈴騶已遊賓客醉深夜垣扉罷倚健一燈  
留照對床談沸鼎松聲烹綠薺五更上馬子先去擁

被獨眠窓日曉起聞啼鳥忽興發欲往江邊雲隔嶽  
人家舊燕盡巢林草滿長洲絕遊輦春耕咫尺阻歸  
計野水自流閑澹畎吾鄉繁華天下稀花柳村村隨  
步轉久聞離亂今始見煙火高低變烽燧登臨吹笛  
散群羌此事空嗟千古鮮朝來風雨况淒黯雨濕城  
頭旗不展隣里衝泥備役夫縣官不召怜疲喘安居  
且復俟時寧出豈無能非退卷范庄紅杏幾株在好  
待開時同折撚對花憂患不須言剩喚一盃供脚軟

鹿

日暖呦呦草際鳴養馴未省見人驚雲山別却嘶芝

侶來向朱闌花下行舊毛雪白新葺綠曾在宜春苑  
中畜幾人逐走向中原輸與吾皇稱疾足

倒掛

綠衣小鳳啼愁罷瘦影翻懸桂枝下芙蓉帳裏篆消  
時鮮斂餘香散中夜鍾鼓迢迢鎖禁門宵衣未得奉  
明恩五更香冷羅浮月想憶梅花應斷魂

思夫山

江上曾看望夫石湖中望見憶夫山夫君好采山中  
藥獨得長生竟不還不似蕭郎與秦女乘鸞同去彩  
雲間

題陶生蕪寄周記室

馬頭交語臨長陌我手持杯君揖策官槐風起咽秋  
蟬日暮偏傷遠行客故鄉故人離別多過江相見問  
如何軍中莫嘆書生怯還有能當曳落河

菜邁爲余唐卿賦

柱桐里中君始歸菜花滿園黃蜂飛桔槔倚樹長不  
用江南雨多山土肥方畦獨逸看新綠晚食何須尚  
思肉翠縷登盤春薤香金釵出盎冬菹熟我家亦在  
蓴菰鄉秋風便應歸共嘗潮州司馬成何事回首空  
愁足萬羊

詠苑中秦吉了

不獨能言異凡鳥最愛佳名呼吉了  
雕籠幾度學鷄鳴驚起煙花六宮曉  
駕來別院未知迎先聽遙呼  
萬歲聲願把春風一杯酒從今莫聽上林鶯

苦寒書江上主人壁間

慘節欲盡郊原空北風五日吹沙蓬  
客子東遊骨肉遠主人賴有江邊翁  
青燈白酒同傾瀉醉擁布衾茅  
屋下中宵不敢愁苦寒猶有窮年遠行者

聽南康陳協律彈楚歌

我聞楚客彈楚聲初絃一揮邊馬驚  
鳴咽哀音動寒

月正如歌發漢軍營中一曲還漸理想見彷徨帳  
中起美人掩泣壯士悲寶劍無光黯秋水淒涼蚤弄  
情欲終應憐歸騎阻江東蓋世英雄竟如此遺調空  
留感人耳四座相逢今夜聽霜風忽來庭樹零無言  
有愁俱酒醒

送張進士會試

國家文治今百年多士商賁皆知天南宮坐試二三  
策能使海內無遺賢院門晨開官燭爛白袍鵠立人  
三千上談禮樂祖姬孔下議制度輕讐玄臨軒曾看  
宰相賀雲瑞盡見當臚傳看花或騎大僕馬錫宴每